



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De Sedilibvs Mvliebribus, quas bradellas dicunt. Cap. XXV.

urn:nbn:de:hbz:466:1-11399

Confessionalia quo loco Ecclesiæ
constituenda.

A Latere ecclesiæ extra capellæ maioris ambitum loco aperto patenti que confessionalia constituantur: partim à meridionali regione, partim à septentrionali.

In alijs etiam ecclesiæ locis, pro ratione amplitudinis, & situs ecclesiæ, Episcopi concessu aliquando collocare licet, ut in capellis quibusdam amplè patentibus, aut in earum aditu vel limine. ita ut confessarius intra clathri septa, pœnitens verò extra sit: quo fiat, ut clathris capellæ arceantur, qui inordinatè concurrentes ad sacram confessionem, nimis que propè altum qui tunc peccata sua confitetur, vel ipsam pœnitentem, vel confessarium facile interturbant.

De loco confessarii, & pœnitentis item.

Confessionale in ecclesia, si ab euangelij, quod in altari maiori recitatur, latere collocabitur; tunc pœnitentis scabellum & fenestella à dextra confessarii sit; rursusque ab illius sinistra, cum à latere epistolæ illud erit: ut & confessarius à parte superiori ecclesiæ semper sit; pœnitens aspectu sit ad maius altare, caputve ecclesiæ versus.

DE TABVLATO AD VSVM
Ecclesiæ distinguendæ.
Cap. XXIII.

ET quoniam ex instituta antiqua, à Beatoque Chrysostomo testificata consuetudine, & in plerisque huius provincie locis olim vsitata, in ecclesia separatim à fœminis viri esse debent; forma & modus distinctionis ecclesiæ eius modi esse potest.

In ecclesia igitur, insigniori præsertim, à capellæ maioris ingressu vsque ad ianuam maiorem, tabulatum per medium ecclesiæ gremium rectè ductum, columnellis ligneis solidis quinque cubitorum spatio singulis inter se distantibus, in pavimentoque firmiter agglutinatis affigatur: ac si tabulæ scætilis ex quibus compactum est, aliquando amouendæ sunt, canalibus paruulis in vnaquaque

columella ab vno & altero item latere excavatis, aliove modo confectis, totum altè committitur.

Cuius tabulati altitudo cubitis circiter quinque extruatur.

Ita verò in ianua maiori committatur, ut illam mediam diuidat, sicque diuisa ac distincta, partim viris partim mulieribus ad ecclesiam aditum diuisim distincteque faciat.

Sint autem in tabulato ianuæ quædam certis locis perspicuis: quæ valuis & pœsulis clausæ, tunc solum aperiantur, cum ab una ad alteram partem transitum necessarîo fieri opus est.

A qua parte autem concio habetur, quò facilius commodiusque fideles concionatorem conspiciant; tabulatum (cum eo tempore demissius aliquanto extare debeat) à summa parte tabulis committatur: quæ fibulis ferreis annexæ, & hinc inde paruulis pœsulis clausæ, cum opus est aperiri & demitti possint eisdem fibulis appensæ.

Quibus etiam in ecclesijs aliquando necesse est, ut cum ab vna parte Missa celebratur, qui ab altera sunt, eidem Missæ sacro intersint; eadem ratio tabulati demittendi adhiberi poterit.

Fibulæ autem ad tabulati demittendum (ut genibus flexis fideles à qua parte sunt, sacerdotem in altera celebrantem prospiciant) à pavimento distent cubitis duobus; si ad concionis audiendæ vsus tantum sint, cubitis tribus.

DE SEDILIBVS MULIEBRIBUS, quas bradellas dicunt.
Cap. XXV.

Quibus in Ecclesijs Episcopus aliquem bradellarum vsus permitendum censuerit, earum forma sequens constituetur; quæ in Ecclesia à parte mulierum collocatæ, cum ad sedendum, rum ad genua flectenda illis vsuri erunt. Pars verò mulierum septentrionalis sit, nisi quibus in Ecclesijs, pro ratione situs, aliaue causa Episcopus aliter statuerit.

Asseres igitur seu trabes paruulæ quæ nec tres, crassitudine vnciarum quinque, longitudine cubitorum trium & vnciarum sexdecim, altitudine vnciarum octo,

in

In ecclesiæ solo recte supposita, tribusq; circiter cubitis singula inter se distinet, tabulis scilicet totidem, cuiusmodi generis sint, iisque singulis latitudine vnciarum octo, equali inter se spatio distantibus contrate, vna scilicet in medio, reliquæ duæ in extremitatibus, bradellas humiles, easq; tripartitas ita constituent, vt inde cum vsu venerit, ne impedimento sint, amoueri queant.

Angustiores vero sint, vbi eas latiores loci situs non requirit.

Atque hæc quidem forma bradellarum: quæ ab ea parte per ecclesiæ longitudine ducta, singulo cubito inter se distantes, totidè collocabuntur, quæ pro ecclesiæ amplitudine Episcopus concesserit. Sint autem procul omnino à capella altaris maioris octo circiter cubitis, vel amplius pro ecclesiæ ratione; à tabulato intermedio spatio via latæ quatuor cubitis, pluribusve pro magnitudine ecclesiæ; ab altero latere, via etiam tantidem spatij.

Nec verò propè vlla altaria sint, sed paulò remotiora.

In medio autem bradellarum situ via præterea transversalis sit, quæ tantundem pateat.

A parte autem ecclesiæ quæ virorum est, nullæ bradellæ sint, quibus genua flectantur.

Si quæ verò sedilia conceduntur, ea è tabulis item scilicet confecta, forma oblonga sint; neque à tergo habeant longuria, quibus homines ab humeris nitantur: & vel parietibus hærentia, vel intra intercolumnij spatia recta potissimum collocentur.

Et eiusmodi sint, quæ geri amoueriue singula possint, prout vsu venerit: atque ita disponantur, vt ecclesiæ impedimento non sint; atque ita etiam, vt qui sedent, à Sanctissimo Sacramento auersi non sint; neq; rursus altaribus hæreant.

DE TURRI CAMPANILI,
& campanis. Cap. XXVI.

Atque hæc quidem sunt, quæ ad interiorè ecclesiæ fabricam, vsuque pertinent: nunc aliqua sequuntur, quæ adiuncta ecclesiæ sunt.

Ac primo loco de turri campanarum, quam campanilem dicant.

Vbi campanarum causa turris edificanda est, hæc mox infra demonstrata seruari poterunt.

Sit turris campanarum quadrata forma; aut alia, vt pro ratione ecclesiæ loci architecto videbitur.

In altum extruatur illius iudicio pro amplitudine item ecclesiæ.

De tabulatis.

Habeat tabulata, quot idem iudicabit; imum autem fornicatum, reliqua superiora ex assulis firmis confecta, & summum opere item fornicato.

De fenestris.

Fenestras in singulis tabulatis habeat: quæ ab omni parte extractæ, longiusculæ sint, elegantiorè que formam pro structuræ modo exhibeant.

Quæ autem in summo tabulato, columellis, aut pilastris distinctæ, ab omni latere patentiores sint; aut alia forma de architecti consilio pro ædificij ratione.

De scalis.

Scalas pro ædificationis item modo, vbi potest, cochlidias, aut alia forma; easque vel lapideas; vel ligneas: quibus ad campanarum locum ascensus commodus sit, neque periculosus.

De fastigio.

Fastigium non triangulum, sed circumflatum, & pyramidale: in cuius summo, vt mysterij ratio postulat, galli effigies firmè affixa crucem erectam sustinere poterit.

De ostio.

Ostium valuis firmis, pessulis, & clauis bene munitum; ut perpetuò clausum esse possit; nisi cum opus est campanis pulsari.

De loco campanilis.

Extruatur autem hæc turris in capite atrij porticusve, quæ foribus Eccle-